



EPITHALAMION
IN
NUPTIAS MAGNANIMI
ET FORTISSIMI HEROIS

Domini IOANNIS RAMSAEI

Vicecomitis Hadinronij,

&

ELIZABETHAE RATLEAE

Filie ROBERTI Comitis

Suffexiæ.

*H H 8
62*

*A D. D. Scot. Brit. Strat.
conscriptum.*



Excusum LONDINI.
1608.



EPITHALAMION.

Sive colis Delum, seu celsum Heliconæ frequentas;
 Musa faue, & nostro facilis succurre labori,
 Huc ades, O nostri Princeps, & carminis auctor;
 Phœbe fauens: seu te Parnassi templa bicornis,
 Seu te Cynthus habet, seu Delus gratior illa:

Sis bonus & tumidum mea dirige vela per æquor,
 Da facilem cursum: vosq; o mea gaudia Musa,
 Inclita qua veterum, canitis coniugia regum:
 Factaque perpetua transcribitis ardua fama:
 Ferte simul Musaque pedem, charitesque fauentes;
 Aoniâq; mouete lyram, date pramia laudum:

Dicite io Hymen, & Hymen geminate canendo,
 Dulcis Hymen, genialis Hymen, ades o Hymenæe.
 Connubium res grata Deo est, Deus approbat author,
 Connubium ipse Deus presenti numine firmat,
 Magnum opus est, opus est humanis viribus impar,
 Singula diuina numerare encomia dextra:
 Singula dona Dei canere, & benefacta referre,
 Quæis genus, in terris, nostrum cumulauit, & ipsædem
 Mentem animumq; suum, cœu vix in imagine pinxit,
 Quod mens casta Deus spurcâq; libidinis vltor,
 Sit Deus, incestumq; animo excretur amorem:
 Coniugij lex sacra monet: docet exitus ingens:
 Horribilesque docent pœna, quibus opprimit omnes,
 Qui pecudum in morem, sine lege atque ordine sacro,
 In scelus omne ruunt, seq; & sua corpora fœdant:
 Sit mihi fas etiam thalamos celebrare iugales,
 Quos tot dii, diuæque colunt, velut agmine facti:
 Quosq; tot heroes heroinæque frequentant;
 Saxonidum procures, Reges, Ducesque sacriati:

Epithalamion.

*Quando Hadintonus (sponsa cum virgine) sponsus
Connubiale parat sacrum: noua carmina fas sit,
Coniugibus cantare nouis: latumque precari
Auspicium, magno firmatum numine diuūm:
Musa mone, viresque nouas animumque ministra
Diua mihi: tuque o hominum, diuumque voluptas
Alma Venus, sine qua dias in luminis auras
Nil oritur, neque fit letum, nec amabile quicquam,
Tu precor aeternum dictis asperge leporem.*

Dicite io Hymen, & Hymen iterate canendo.

*Blande Hymen, iucunde Hymen, ades, o Hymenæe.
Tuque ades o Scotæ gentis, decus, Inclyte Comes,
Sponse faue, vacuasque aures, animumque benignum,
Sponte adhibe, laudesque tuas, laudesque tuorum
Accipe, tuque Socer Sussexæ paterque serenos,
Tu pariter vultus adhibe, votumque secunda.*

Dicite io Hymen, & Hymen iterate vicissim.

*Ad te igitur propero, tantis dignate Hymenæis:
Ramsæe o iuuenum flos & lux unica gentis,
Conspicius forma, nulli probitate secundus;
Verborumque fides, & mens sibi conscia recti,
Nec bellis animus, nec forti dextera pugna,
Deficit: ingentes præstans ad fortia vires
Prælia: cuius adhuc vix pubescentibus annis,
Prima rudimenta, & rigidi certamina Martis,
Ad rapidum Taij, sensit modo Gaurius amnem,
Ramsæe o præstans animi qui vindice dextra
Seruato nostram seruasti Principe gentem:
Nec dubito, quin Rex tanti bonus arbiter acti
Te celebret, totæ vnum te præferat aulæ;
Sic genus antiquum, & Ramsæe stirpis honorem,
Instauras, patrumque tuis virtutibus, artes*

Exsuperas

Epithalamion.

*Exsuperas, famamq; ipsis maioribus affers.
Quid moror? immensum est, virtutes dicere tantas,
Inclyte Sponse tuas, alijs quæ singula namque
Esse solent, ut relligio moderatio morum;
Inculcata fides, & sancta modestia vitæ,
Omnia solus habes, proprio seu pectore nata:
Omnia conspirant in te, concorditer unum,
Seu cupias, validis hastam vibrare lacertis,
Vel iaculis longe, vel cominus ense ferire,
Nunc lusisse pila, nunc tendere fortiter arcum,
Egregias cuius laudes, & fortia facta,
Et decus & nomen, vexit super æthera virtus:
Non opis est nostra dignas tibi scribere laudes,
Virtutesque tuas, grandi celebrare camæna;
Sit nobis voluisse satis: sit honesta voluntas,
Grata tibi; paruo superi quoque munere gaudent.*

Dicite io Hymen, & Hymen Hymeneæ sonantes.

*Pronube Hymen Hymenæe Hymen ades o Hymenæe.
Ad te nunc redeo, tantis dignata Hymenæis
Tandem Sponsa decens, multis præfulgida nymphis,
Altera virginis flos, exemplumq; pudoris;
Quis non Ratiadum gentis; quis nomina nescit,
Nomina Saxonicas inter fulgentia stirpes?
O digno iungenda viro, lectissima virgo,
Tanto formosis formosior, omnibus una,
Quanto splendidior, quàm cætera sydera fulget
Lucifer: & quantum, quam Lucifer aurea Phœbe,
Pulchrior Eois gemmis, & pulchrior auro,
Seu claros oculos spectes, vultusq; pudentes,
Et flavos crines, & eburnea colla genasq;
Purpureas, niveasq; manus, & labra decora,
Seu potius mores placidos, mentemque pudicam*

Epithalamion.

*Et pulchras animi dotes? seu denique cultus
Aspicias Phrygios, Ratlea Virgine dignos;
Dicite io Hymen, & Hymen Hymenae canentes;
Continuo sponsam, patrio pro more salutat
Sponsus ouans; socerumq; manu gener, oreq; latius
Excipit; & Regiam secum deducit in aulam;
Tum verò stridor lituum, clangorq; tubarum
Exoritur; raucoq; strepunt caua tympana cantu;
Ventum est ad sacram, multis comitantibus aram,
Subsequitur sponsus cum sponsa, cumq; propinquis,
Ingentiq; manu procerum, matrumq; caterua,
Nec minus & sponsæ, magno mens ardet amore,
Compellare socrum gloriæq; nurusq; propinquas,
Cognatosq; suos; & dextra iungere dextram,
Inq; vicem dulces audire & reddere voces.
Ipse etiam sponso sponsam Rex porrigit, ingens
Munus, & ipse beat, votis felicibus ambos;
Congressi, iungunt dextras, tum ritè sacerdos
Pronubus amborum, connubia firmat amantum;
Communemq; Deum vocat, & bona verba precatur,
Sic omnes uno ore fremunt, superosq; fauentes,
Felicesq; rogant tædas, & vota subinde
Ingeminant lato, spaciola per atria, plausu,
Vt superi placidi, votis concordibus adsunt;
Huc ades o Hymenae Hymen, ades o Hymenae;
Sol ruit interea; primamq; crepuscula noctem
Sera trahunt; cæloq; rubet, vaga luna sereno
Et solido spectat, subiectas lumine terras;
Ecce faces gestant pueri de more iugales
Bissen; Comes it procerum manus omnis, & una
Subsequitur sponsus cum sponsa cumq; propinquis
Principibus, magnaq; nurum, matrumq; corona;*

Tum

Epithalamion.

*Tum pater in thalamos natam, genialis amatam
Dijs equidem auspicijs ducit; cupidoque maritam
Commendat genero; lectoque reponit in uno;
Coniunctos solidatque duos mixtosque Brirannos:
Exultant cum voce socrus, plausuque fauentes
Cognatique duces, gloriesque Nurusque propinqua,
Felix coniugium gratantes pectore toto,
Ceu quondam Bathoel nata, Labanque sorori
Felix coniugium gratetur rite Rebecca.*

*Ite domum Iuvenes, venit Hymen ite puella,
Huc ades o Hymenæe Hymen ades o Hymenæe.
Ludit Hymen, Hymenæus adest; lux illa pudoris,
Exoptata diu votis, lux aurea venit,
Venit, habes tandem toties quod mente petisti
O decus Hectoridum, iuuenis, iam pone querelas,
Grande moræ pretium fers: quod si priscatuliissent
Secula, non raptos fleisset Menelaus amores;
Quid cessas Hymenæe? vocat te sponsus & imis,
Opperiens te suspirat, noua nupta medullis;
Dicite io Hymen, & Hymen geminate vicissim.
Mitis Hymen, Hymenæe ^{Hædes} o Hymenæe.*

Eiusdem D. D. votum connubiale
sponso & sponsæ.

I*Am salue Hadintone, tua modò virgine felix,
Nunc nupta post & felix, hac matre futurus,
Fortunati ambo: vestrum concordia lectum
Ambiat & thalami custodes limina seruent
Pax & amor, mensamq; fides & gratia pascant;
Oscula iungant amor fidei, concordia, pacem
Este vnà dulcemque vnà producite vitam,*

Aurea

Epithalamion.

*Aurea vos foueat placidi indulgentia cæli,
Plena Dei nutu, cælesti plena fauore,
Adsit sancta fides, & honestis ignibus ardens;
Firmus amor, stabilisque salus, spesque inscia luctus,
Sic pater omnipotens, qui primi exordia mundi,
Ex nihilo, & cælos verbo omnipotente creauit,
Corpora que irrupto primus duo iunxit amore,
Sic beat, & letis auget successibus omnes,
Qui bene suscipiunt nexum ceruice iugalem:
Qui parere sciunt, & iussa capescere diuûm,
Sic dum coniugij iuuenum clarissime fœdus
Instauras, sociamque paras tibi iungere costam,
Cuncta tibi auspicijs cedant felicibus opto.
Annuerant musæ, strepit omnis plausibus aula,
Applaudunt auræ tenues, montesque lacusque,
Responsant circa, leto clamore propinqui.
Iamq; Vale, longum, Nec te Sponse inclyte voti
Pœniteat; Nec te pactæ Sponsa inclyta, tædæ;
Fata vocant, nos hinc aliò; vos dicite Musæ
Dulcis Hymen Hymenæe, veni bonus o Hymenæe.*

Soli Deo gloria.



